

okutoburukalo san 1998


## BAKURUBASANNI

(nimoro 12 songo)

Mali kono = Dōrōmē 300

Afiriki kono = Dōrōmē 600

Jamana were = Dōrōmē 1000



Kunnafonisében bota kalo o kalo. BP: 24 Téléfoni : 21-21-04. Bozola Bamako-Mali. San 26nan boko 321nan A songo : dōrōmē 15

## Musa TARAWELE n'a nōkanmogow ka kiiri

Kiiri do daminena, san 1998, okutoburukalo tile 12, Bamako, n'a bē ka boli Mali peresidan koro Musa TARAWELE n'a furumuso Mariyamu SISOKO n'u baarakēnōgon n'u balima dōw kan. Ajirala ko Musa TARAWELE bē ka nōmine faso nafolo dunni de kama an'a y'a yere keli min ke baana ye nanbara ni kurutu-kurutu sira kan. A furumuso Mariyamu SISOKO ta yenafoloniniye, k'a yere ke waritigiba ye sira sugu bē kan, i n'a fo : bagabagali ni lasiranni.

Peresidan koro nimogoke Duwa Abarahamu SISOKO n'a bē wele «ARAMCISI», o ta ye warininina kofolen ninnu dēmeni ye u ka baarajugu la.

Cenan KULUBALI min kera Musa TARAWELE ka nafoloko minisiri laban ye, o nōminera faso nafolo dunni n'a yurugu-yuruguli la.

Seku LI ta ye hawuja nafolopini ye, k'a yere ke nafolobatigi ye, nanbara ni yurugu-yurugu sira kan.

Mogo 7 de jalakilen don kiiri in na, nka Mali kiiritigeso min nesinnen don kiiriko in ma, oy'an ladonniya komogo 4 de ta bēna nēnabo folo. Ajirala ko Mali peresidan koro Musa TARAWELE n'a furumuso Mariyamu SISOKO ka nafolo yuruguyurugulen kasabi taar'i jo sefawari 2.483.680.891 la.

Forow b'o la ani masirifew ni nafolomugu ni mōbiliw ni sow ni fēn werew, an da tēna se minnu kelen-kelen bē ma.

Kiiritige in nēmogoya bē Ilo SISOKO



Mali kiiriko minisiriso jōyōro fabaga ye Shekina WAGE ye kene in kan.

Kiiritige tile filanan, Musa TARAWELE n'a nōkanmogow surunnadonnaw ye baara bila, fo u ka lajini do ka waleya, n'o ye kiiri kunnaftiw dili ye arajo la. Hakilijigin siratige la, Mali kono, seben ni sariya kelen si t'a jira ko kiiritige kunnaftiw ka kan wali a man kan ka di wajibya la arajow la jama ma.

Peresidan n'a ka mōgōw surunnadonbagaw kelen k'u kōdon, sariya kadara kono awoka naani (surunnadonnaw) kura ninina k'u di Musa TARAWELE n'a nōkanmogow ma.

Awoka kura ninnu y'a jira k'olu te se ka baara in ke, bawo Musa TARAWELE n'a ka jama ka dannaya t'olu kan.

Nincogodela, san 1998, okutoburukalo

tile 19, peresidan Musa TARAWELE n'a nōkanmogow jalakilen tōw ka awoka lakikaw y'a jira k'u bē segin u kō, k'u ka mōgōw surunnadon. N'Ala sōnna, nowanburukalo nata, an bēna Musa TARAWELE n'a furumuso n'a balima n'a baaranōgon minnu welela «bōgmjeninen» kan, olu ka kiiritige

kunkun n'a nēnjen tōmo aw ye.

### Nansé SAMAKE Basiriki TURE

#### KONKO

Nkoku «zasenti» farati bē ka juguya Ofisi kono ↗ ne 3

Sumanw nēna Sahelijamanaw kono san 1998 ↗ ne 3

Dōsen kura ka kan ka dōne baaraw koro Mali la ↗ ne 4

Fatobabiliko kuma cayara ↗ ne 5

Hadamaden mago si te nēnabo Kamertumjamana kono nisuridemabou ↗ ne 8

Gelya bē denwolomuso jogianeniy furakeliko la Nizeri jamana kono ↗ ne 9

«Dugubila ka fisa laadawuli ye» ↗ ne 10

San 2002 «KUPUDAFIRIKI» bē se ka tan dugu minnu kono ↗ ne 11


## Ninan «poliyo» boloci kana ke mögösi ko

K'a ta san 1998, nowanburukalo tile 14 na ka t'a bil'a tile 15 la, n'o bë bë sibiridon ni karidon ma, sensabana n'a bë wele ko poliyo, o bolociba dëbëna ke Mali tonkun naani bëe la. Senfagabana boloci kërefe, witamini «A» bëna di denmisénw ma, walasa k'u ni këneya sabati ani k'u kisi jëfiyentöya ma. Mögöcaman hakili la kopoliyo ye dakan ni Alalatigë bana ye, hadamadenw se te min na. Dogötöröw y'a jira o yöröla, ko senfagabana «poliyo» ye lujura ye, min bë se ka kubën ni tuguci ye.

O tuma, ni «wuli-tuma-la ka fisa n senska di ye», a nininen don bangebagaw bëe fe, u ka bo nowanburukalo tile 14 n'a tile 15 i ko kono kulu, ka t'u denw boloci, hali minnu bolocira ka koro, n'u si b'a ta u wolodon na ka taa se san 5 ma.

An bëe b'a dòn ko «poliyo» mana den minmulugu, oy'oka taamako nögøyalen ye fo ka taa dijë wuli. Nka bëe te min dòn, o ye ni den min bolocira senfagabana tuguciji la, fo ka taa dijë wuli «poliyo» t'o minë.

N'an t'a fe ka k'an denw ma juguw ye, nowanburukalo tile 14 n'a tile 15, an bëe ka kan ka ye «poliyo» bolociyöröw la, n'an denw ye, minnu si b'a ta u wolodon na ka taa se san 5 ma. Mali minisiriso min ka baara jësinnen don këneya sabatili walew ma ani



mögököröbaw ladonni ni bolodinögönma ka fara boloci donbaw laben jekulu kan, olu k'u b'a jini an ka jamana demekë jekuluw bëe fe, u ka tugu koorisëne ciyakeda «CMDT» ni jagokelaw ni izinitigiw ka soba «C.C.I.M.» ni denmisénw lafasa jekulu «UNICEF» ni dijë yiriwali jekulu «P.N.U.D.» ni Mali densarasoba «I.N.P.S.» ko, k'ujeniyöröfin an ka jamana boloci donbaw sankorotali la, k'a ke nisondiyako ani wasako ye.

«Poliyo» tugucidonbaw ni witamini «A» dili donbaw ye malidenw bëe kunko ye, bawo bi denmisénw ye sini mögököröbawye, jamana fana jigiwy'olu deye. Ni denmisénw këneyara, jamana bë këneya, ka yiriwa, ka taa jë. Ni denmisénw banara, jamana bë nagasi, a bë laafu, a bë segin ko. Ala k'an kis'o ma.

## Nkoku «zasenti» farati bë ka juguya Ofisi kono

Mali kono ni da magara malo la, an bëe hakili bë jigin Segu Ofisi la. An ka jamana malo fanba bë sene Ofisi mara de kono.

Ofisi mara kono malosene bë ke dugu 151 kono, n'o bëben du 13970 ani hadamaden 180.000 njog o nna ma.

An bë don min na i ko bi, dugukolo taari 960.000 de labilalen don malosenenaw ye Ofisi mara kono. Nka forokene hake min labennet don sene kama Ofisi kono, o ka ca ni taari miliyon 1 ye. Malosene feere kura do kera sababu ye Ofisi mara kono ka malokaama toni 7 soro, fo ka se toni 10 ma taari kelen dugukolo kan.

Ofisi njiru ye Marakala babili n'a badinge woyolenwe Saheli kungo kono. Marakala barasi jora an marabaga faransikaw fe kabini san 1947.

Kabin'o waati fo ka n'a bila bi la Mali fangason'a demebagawbe k'useko damajira ke maloforow labenni na Ofisi maraw kono. Nka n'an m'an jija, an ka segen bëna ke to-ka-je ye, walima sanjikorowosi, k'o sababu bo nkoku suguya do la, n'a bë wele ko «zasenti» faransikan na.

O nkoku de bë ka Joliba babolo k'a dagayoro ye, kabini kilo 30 sann'i ka se Bamako fo ka na se Ofisi maloforow ma. Ni fu ma siri teliya la nkoku «zasenti» kubenni na, Marakala barasi ni Ofisi maloforow bëe bë silatunun a fe. A jirala ko «zasenti» in ka jugu senefenw ni baganw bëe ma. A nana jiwoyo de fe döönin-döönin ka bo Bamako ka na se Marakala Ofisi mara kono san 1996. Kabini nkoku jugu in sera Marakala babili ma, a y'i soori dadingew fe, k'olu geren, ka ji bali ka boli. A joreba de bë cikelaw la, bawo a te jegew to sankojikunnafeñ werew; a bë nin bëe faga.

O temennen k'o, a bë sira da kurunw

neji kan, barisa a b'u bali ka boli. «Zasenti» bë jikan moterënienw «elisiw» lajo, k'u to boli la baji kan. Faratiko wëre bë nkoku «zasenti» la, n'o ye baji jali ye a fe. A dun bë ka woyocogomin na, n'an ma wulijoona k'a kële, a jirala ka bë k'i kunda dëbe kan. Bëe dun b'a don k'o ye Joliba baji nimayoro ye, nafamafen caman bë min kono, jiri suguya caman ni dugujukoro gazi bë minnu na.

Mali cikékow yiriwali ninini ciyakeda «IER» bë ka fénjenama suguya dow sifile, minnu ka baara têna nesin foyi ma nkoku «zasenti» këleli k'o. Ofisi yere bë k'a jenyoro fin nkoku «zasenti» këleli la. Mogo faamuyalenwy'a jira ko n'an sera ka «zasenti» kële, k'a bo ji la a ka ja; nkoku in jalen ye njog o numanba de ye foro kono.

**Moriba KULUBALI**  
Basiriki TURE

## Sumanw jëna Saheli jamanaw kono san 1998

Saheli jamanaw ka ja n'a kasaaraw këleli jekulu «CILSS» n'a ka ciyakeda kerenkerennen minka baara nesinnen don seneko ni jiko ni waatiyemako ma, o y'a jira ko san 1998 samiyë bëna diya Mali ni Nizeri ni Burukina Faso ni Cadi la, bawo sumanw bëna ne kosebe jamana kofolen ninnu kono. Nka min ye Senegali ni Ganbi ni Kapuwéri jamanaw ye, a jirala k'olu ka suman jëniko bëna ke lahala ye. Saheliyanfan maraw kono, san 1998 suman sorolen hake ka ca ni san 1997 ta ye; o temennen k'o, a samiyë diyara ni san 12 temennenw ta ye farafinna yoro kerenkerennen in na. O misali ye suman toni miliyon 10 soro li ye, min ka ca ni 10 ye 100 / o / 100 kan, san duuru laban ninnu kono.

Ginebisawo ka suman sorota hake bëna dëgoya kosebe k'o sababu bo u yere ka sokono fitine na, min bëna dadigi cike walew la ani sumansi ni njog o soroli ka sene ke, ka nafa sorol a la.

Jiba minnu donna falaw kono, olu sababu la falakono malow têna ne Nizeri ni Cadi jamanaw kono. Nka jibe lase malo minnu koro fonene waati, olu bëna ne kosebe Nizeri ni Senegali ni Mali ni Moritani jamana kono.

O bëna ke sababu ye ka dunkafa sabati, ka temen san 1997 jukoro waatiw kan ni suman kilo 188 soroliye mogo kelen fe, san kelen kono. «CILSS» mogo faamuyalenw y'a jira

ko hali ni dunkafa ma sabati pewepewu, k'o sababu ke san saba labanw sumanko geleya ye Saheli jamanaw kono, sinjësigi koni na se ka ke waatinin kono ni suman döönin marali ye jamana caman kono, i n'a fo : Nizeri ni Cadi.

Ajirala k'o siratige la Nizeri ni Cadi ni Saheli jamanaw caman werew ka balo santa têna temen toni miliyon 2 ni döönin kan, san 1998-1999 geleya waatiw la.

«CILSS» mogo faamuyalenw ka folia yelema nafama min bëna don saheli jamanaw baloko la, o koro te k'o y'u tilalen ye, bawo samiyë numanfila de wajibiyalen don ubara, walasa dunkafa ka se ka basigi, ka ke ko sabatilen ye. O faamuya sira folio ye jama cayali ye dugukolo nafamaw ma.

**Basiriki TURE**

### Nomiji dacogo

Nin ye Musa Fomba ka jaabi ye nomiji dacogo kan fenw kan.  
Wulada sumalen, ka don su la, ni sankolo jera pasi-pasi, walima kabano go bero la la waati min na, fine be sumaya ton-ton ka jigin dugukolo kan. Nene min be bo o waati, o fine sumalen de be ke ji misenninw ye ka n'i da dugukolo ni binw ni fen werew kan. O de bë wele ko nomiji.

## Dōnsen kura ka kan ka don nōnō baaraw kōrō Mali la

Baganmara sinsinnen don cogo min Mali kōnō, o tē dōnōn ye. Misali la, misiwn' u nōgōnna bagan miliyōn 5 deb'an bara anisagaw ni bawn' u nōgōnna bagan misen miliyōn 11. Nka o n'a taa bēe, Mali bē sogo ni nōnōmafenw sānni na kudayi jamana wērewkan. Ajirala konafolo kasabi min donna o fēnw sanni dafé san 1995, o cayara ni sefawari miliyari 12 ye. Onōnōmafenw fanba sanna farajé jamanaw kan. Jateminé na, o wari bōta ka jugu faso nafolobon ma.

N'an y'a laje ji nēmajolen na, an b'a ye ko Mali bē se ka feere nēnamaw siri nin lahawuta nafolo bōli la. San 1995, jateminé dō y'a jira ko misiw n'u nōgōnna baganmusow hake ye 2.070.000 ye. Olu cēma baganmuso 676.000 ye birimisiw ye, minnu ka san nōnōbōta hake ye toni 196.000 ye. Sagaw ni baw ni naamew sen t'o la. A jirala ko Mali faaba kōnō, o ye Bamakō ye, mögo kelen mago bē nōnōhake minna san kōnō, o ye kilo 36 ye. An yēre ka misinōhake min b'ola, o tē temen kilo 3 ni dōnōn kan. N'an yēre ka nōnōsorōta t'an bo walima a sorōtā ka gēlētā jama fanba fē, fangaso wajibiyalen don ka nafolobaw don kōfē nōnō sanni dafé. Nin ko in gēlētā n'a degun dogolen te fangaso la. O de kōson kabini san 1985, Mali ye feere nafamaw boloda nōnōsorōliko la nōgōya la, walasa jamana ni jamanadenw bēe ka nafa sorō a ko la. O feere tigelen dōw ye :

- Baganmara bagaw dēmenni;
- Jekulu kerēkerennenw sigili nōnō baaraw siratige la, an'o jekuluw mögōw ka ketaw bēe kalifali u yēre la, walasa u k'a k'u kunko ye;
- Kēnyēreyew samanik'u nēsin nōnō baaraw ma;
- Birimisi siya kuraw ladonni Bamakō n'a lamini na;
- Nōnōdilanyōrō 30 nōgōnna sigili senkan. Tiye don Mali ye cike ani baganmara jamanaba ye Afiriki

tilebinyanfanna, on'ataa otāa, gēlētā caman bē nōnōko la yan, i n'a fo :

- Sirakow ni baaraminenkow ntanya togodaw la, nōnō bē sōrō minnu kōnō. O bangera kōnōfili ko dō la, n'o ye Mali yēre ka nōnōbōta hake cayali k'a sōrō lahawuta nafolo bē ka don nōnō sanni dafé kōkan jamanaw kōnō. Faamuya min bē se ka sōrō la, o ye Mali yēre kōnō nōnōbōyōrō janyali ye a minyōrōw la. O bē fēn min wajibiyā, o ye nōnōbōyōrōw siraw dilanni ye ani ka baarakeminenw d'u ma, walasa u ka se ka nōnō bēe ke nōgōn kan yōrō kelen, k'a bayelema o kō k'a lase a minbagaw ma. Komi nōnō marali ka gēlētā ni firigo t'i bolo, o tuma fō nōnō ka labaara kojuman, walasa a ka waatinin ke a minbagaw bolo sann'u ka se a ma.

- Gēlētā min dalen b'o kan, o ye Mali

kōnō, nka se bēre t'o soba bolo fōcikēlaw dēmēni na.

Yērelaben kadara kōnō, kēnyēreye jekulu dōy'i nēsin nōnōdilanyōrō dōw jōli ma jamana kōnō, ka nōnōbōbagaw n'a yēlēmabagaw n'a feerebagaw sendon o baaraw la. Nōnōdilanyōrō ninnu ka nōnōbōta hake ye litiri 200.000 ye san kōnō. U bē nafolo min lase baganmaralaw ma san kōnō, o hake bē t'i jōsefawari miliyōn 65 la. A jirala k'o tē foyi ye Mali seko kōrō nōnōko la.

- Fangaso jōyōrō ka dōgō halisa birimisi numanw siyaw sorōtā la. O ko man kan ka to kēnyēreyew dōrōn bolo. Nōnōdilanyōrō nafamaw te se ka jo Mali kōnō ni baganmaralaw magōnefenw sorōtā ma nōgōy'u ma, i n'a fo : Baganw ka dumuniw, u ka furaw ani wusuru minnu ka kan ka sarabagantigiwfe.

Jamana bē sefana ka baganmarala numanw ladiya, k' u walejumandōn, walasa u kadofara u ka nōnōsorōtā hake kan.

Nin bēe b'a jira ko feere nēnamaw ka kan ka tige nōnōko la Malikōnō, ka bēe jōyōrō dantige, fangaso fara kēnyēreyew kan. Obena kē sababu ye ka jamanadenw ka dīnjelatige nōgōy'u bolo n'u yērew halalafenw dōndalali ye, min b'u kisi nafolotijē ma. O dogolen te mögosi la ko Mali yiriwali ntuloma fōlōw ye cike ni baganmara ye. N'an ka jamana sinbara fōloye nōnimalo ye, sinbara filanan ye nōnōnifēn min bē bo a la. Nō ni malo sera cogo minna k'a senebagaw nafa Mali la, ni nōnō baaraw bilala bolo kelen kan, nōnōko fana na se o cogo la ka baganmaralaw ni nōnōdilanbagaw bēe nafa.

Nuhu SANGARE  
Basiriki TURE



## Talo babiliko kuma cayara

Kabini tubabutile la, baji Bani Falaw labenniko fôra. A tun b'a fe ka ke wajibya ye san 1970 waatiw la, tuma min na ja n'a kasaaraw kera malidenw siginogonw ye. O senfe maloforow tun ka kan ka laben San ni Jene ni Moti maraw kono, Bani bolo jojan fe, Malosene ciyakeda fe. Q waati, ji dôgoya sababu la, malosene yere tun b'a fe ka dabila yorokofolen ninnuna. Maliminisiriso min ka baara nesinnen don cikeyorow yiriwali ma, o y'a jini folo ka Bani baji basigi Duna ni Moti ce fo ka taa se joliba baji ma. Babiliw joli hakiliha nana nin cogo de la.

San 1975 jatemine folo ye Talo ni Jens de kofo, babiliw be se ka dilan yoro minnu ha, ka baji kamall o ko, k'a don an magonjedaw fe. Wale in kera yoro ninnu sigibagaw haminankobaw, u ye min jini, k'a weleda san 1991, okutoburukalo lajeba senfe, min ye cikelaw bee dalaje u hajuw jirala kadara kono.

Talo fole de sugandira babili joliko la. Nka kuncaman be Talosugandili, an ben'an nen don minnu ni nogon ce. Babili fila ninnu mana jo k'a ban, u be nogon dafa ji walankatali la ka taa forow kono. Mogô faamuyalenw y'a jira ko baara in ka kan ka damine sanfe jiboyoro la, ka' jigin. O dun te yoro were ye Talo ko. O temenner ko, Talo ye faramayoro de ye, baji kena man bon yoro min na ni nafole beret de don a labenni dafa. Nka n'an ye Jene ta, o babili ka kan ka jo Marakala pon cogoya la. Bee dun b'a don k'o te nafole neñin ye, min soru ka di.

Mali y'i kanbo Afiriki waribonba do ma ko «BAD» min ka baara nesinnen don ankajamanawyiriwali ma. Oy'a jira k'ale be se k'ijon Talo babili dilanni ye. Mogow be nine min ko, babiliko in jatew bee minena walasa ka Talo sanfela kisi jidon

kasaaraw ma ani ka ji labilali dabali dugumayanfan na, i n'a fo San ni Jene ni dugu werew.

Nafolo kasabi min labilala Talo bibili joli kama, o sera sefawari miliyari 22 ma.

Talo bibili bêna ke sababu ye ka dunkafa sabati jamana kono ni Bani fala taari 20.000 labenni ye sene kama, taari 16.000 bêna ke maloforow yemincema. Baganw balolan burugu seneyorow fana taari 4300 bêna soro bibili in sababu la.

A jirala ko baara in kunfolo kuntaala ye san 5 ye, min sababu la cikeforo taari 7850 bêna laben Segu ni Bila ni San serikiliw kono. O nafa bêna se hadamaden 41.000 nogon ma maloforo taari 4750 kono ani buruguforo taari 2470. O kerfe, nine têna ke musow ka bonogola ni netaa walew ko ani sigibagaw ni kenyea sabatili walew. Bani mara yiriwali te se ka taa Talo bibili joli ko. Talo ni Jene babiliw be nogon dafa, n'o te u kodonnen te nogon na. Nin babili fila bee dilankun ye ji kamallili ye, k'a koron, k'a don an magonjedaw fe, n'o sinsinbere ye cike ye.

A kolosira ko ji jatuma tilema fe, k'a ta

marisikalo la ka t'a bila zuwenkalo la, Bani be se ka tige sen na Duna yoro la. O koro ye ko Bani te woyo ka taa yorosi kabini marisikalo la; bawo baji be jigin, k'a ja fo k'a damatemen. Talobarasimana jo, a sanfela maraw n'a dugumala maraw bee be bo a nunma, barisa u bee b'a nafaw soro. Sanfela falaw bêna ji soro tilema waati, ka dansiga ja n'a kasaaraw la. N'an m'an kôlosi yere, ji bêna don dugu dôw kono fo ka tijeni ke, wali dugudôwdugukolon'ajin'akanfenw bêna jaasi tubabunogo sababu la. Nka feere tiger'o bee kubenni na.

Talo bibili jukorola la, ji kamallilen labilali bêna ke sababu ye ka ji lase San kôrnyanfan falaw la. O temenner ko, ji donni Ofisiri falaw kono o têna temen tile 2 ni 3 kan. Jiboda dofana bêna ke Talo bibili la, min be ji laseli hogoya la dugumala maraw kono san mumc bee.

A jirala ko sanni Bani falaw labenni baara kunfolow ka ban, ka Talo ta labananika Jene ta damine, cikelaw ni jiko minisiriso ben'a wasadon jisama mansinw sigili la Sân ni Jens falaw kono, walasa yen sigibagaw ka se k'u ka sene ke here la.

Abudulayi DANBELE  
Basiriki TURE

## Ka bo Kucala koko

N b'a fe ka «KIBARU» nemogoso (adonniya an ka san 1998 samiye cike geleyaw la).

A fole samiye damine geleyara kosebe, barisa ji ma bin joona. Sanji ye halla damine zuluyekalo la. O sanji kunfolow kera jibaw ye, minnu sigira forow kono, k'a soro no ni kaba ni koori ma wuli kosebe. Olu bee tijena. Geleya filan, k'a ta setanburukalotile 15 la kataa s'a file 23 ma, fennjenamanin dow wulila now nofe, "nu be wele ko «no nkarangan»; k'u buluw n'u tisan wololenw bee dun.


A waati n'i y'i ka no furake ni bagaji ye, a be jobulu to ja. Donsoke cekoroba do, Baba Zumaña SANOGO y'a f'an ye ka bo Zeyena, Zangaso arondisman kono, n'a si be san 95 la, ko fole-fole, «nkaranga» in tun be don kosalal no de la, w'a t'u tijen fana.

Usumani SANOGO  
Kucala-Koko

## Farafinnoogo

kabini tumajan cikelakolidenwb'a la ka farafinnoogo dilancogo bëe jë jira senekela. O kera sababu ye ka senekela caman ka *Dirisa Bakari Jara* hadamadenya netaakun sabati, bawo senekela be Mali kono bi, san o san olu ka farafinnoogo fitinin donnen foro la o ye wotoro jë keme ye. Sisan mogo caman ka nogô donta bëe ye tubabunoogow ye; a be senefen jë kosebe. Nk'a be dugukolo fanga ban joona. A be fo fana senekela caman fe kotubabunoogosoro ka difarafinnoogo ye, ko ale doonin be se ka kene caman nogô don. Dëw fana b'a fo koni baganw t'i bolo k'i se te farafinnoogokola. Oyefaamuyalibaliya ye, halini misikelent'i bolo san o san senekela bëe be se ka farafinnoogo caman soro. Cikelakolidenw ye nogodilan cogo caman jira an na sisan. U ye gafe caman bo, minnu be nogodilan kan. N'an ye gafe ninnu mine k'u d'an koro ten o ma ni de ! U betaasira minnu jir'anna fo anka so, a fo olu na mago jë n'an m'u lawaleya ? Sisan an ka senefen kalaw i n'a fo : nokala, kabakala, koorkala, o n'a nogonnaw bëe be se ka yelema ka ke nogô ye, an be min ke k'an ka forow nogô don. N'an y'an cesiri farafinnoogodilan fe, a be ko caman nogoya, i n'a fo jiritige, kongo, kenesenetako dunkafa.

**Dirisa Bakari Jara**  
Diyo - Buwatubugu Kati mara la



## Ka bo Bankuma 1


nogonnaw, olu songo geleyara kojugu. Senekela mana waricaman soro cogo o cogo, a mana taa sanni ke n'o ye sugu la, o bee be ban a bolo pewu k'a soro a ma se k'a magonefenw bee san

**Bafa KONATE**  
Konsofon - Namina

Falaje n'a lamini ka koorisene ma ke nisondiyako ye ninan. A folo an ma nogô soro joona. Jatemine y'a jira ko dugu minnu ye nogô sorojoona oka dogo. O temennen ko, minnu y'u ka nogô hake dafalen soro, o te temen 12 kan, keme kulu kelen-kelen cema. Anw hakili la, o ye fen ye, min be senekela segin ko. Misali la, cikela daw y'u ka nogow soro utikalo tile 28. Mogow y'u muju cogoya bëe la ka nogô makono Falaje magansan da la. Utun be tile kuuru ban makononi na. Anw b'a nini «OHVN» nemogow fe, u k'uijia ka nogow lase cikelaw ma sanni mekalo.

**Dawidi TARAWELE**  
Bankuma 1 - Negela

## Ka bo Sidoni



Jinemusa TOGOLA

I man'i ka koori pese cogo o cogo dugu kono, do be t'o je pon kan. O nogon kera dugu caman na salon Dogo kubeda la, Buguni serikilli kono, fo k'an siran, a nogon kan'an soro ninan. Hake min ye Sidoni koori soro mume daje, o benna kilo 377 ma, k'a soro Kalako «A.W» ta ye toni 2 ni kilo 740 ye.

**Jinemusa TOGOLA**  
Sidoni «AW» sekretari  
Dogo-Buguni Serikilli la.

## Cikelaw ka segen man kan ka ke sanjikorowosi ye

Ne b'a fe k'an balimake Burulayi ka kuma sonji la, a yemfin fo «KIBARU» nimoro 318 nan kono. A ko : «Mali te senekela ka fensoro jamana ye».

Ne bolo, o kuma ye tijé ye, sabu cikela si te Mali kono bi, min b'a ka senefen nafolo soro here la, an'a waati la.

Anw koorisenenaw tun be jëbo malosenenaw fe folo, k'a soro geleya minnu b'olu kan, o te doonin ye. San o san, abe wele-weleda arajo la ani kunnafonisebenw kono ko Mali ye joyeroba sorm koorisene na farafinna, an ka koori caya n'a numanya sababu la.

O yoro te ye koori songo yelenniko la, a te ye soro sira kan koorisenenaw bolo. O bee temennen ko, koorisenenaw ka kan ni warinin min ye, o te di «masa kelen tile la». A waridowbedikalosaba koori sannen kofe.

Jatemine na, Mali kerefe jamanaw bëe ka koori kilo songo ka ca n'an ta ye. Mali la, koorisenenaw mago be fen o fen na u ka sen jeni sira kan, i n'a fo : nogow ni baarakeminew ni koori furakelanw, «SEMUDETE» de b'olu sansongow dantigé, k'u lase an ma, k'a soro an yere be fen minnu sené an yere ye, i n'a fo no ni kaba ni tiga, olu sanbagaw ben'u ka songow sigi an kun. Ni sen t'an ye, an wajibiyalen don ka don o sanbagajuguw jena da fe.

Ni nemogow sera k'a laje ka Mali senekela segen don u ye, o na fisaya doonin. Senekela nogon makari mogo te Mali kono bi. Hali n'a ma deme suguya were soro, an k'a deme a ka nafa soro a ka senefen na, walasa a ka segen kana ke sanjikorowosi ye.

**Shaka JARA**  
Balikukan Karamogo  
Korokoro - Dogo - Buguni

## Ka bɔ Nantilebugu

Baganmara ker'a damako gelyeaba y'anw bolo, k'a da nsonko juguya kan. A be san saba bɔ di, nsonw dagasigilen b'anw da la : misi te to, saga te to, ba te to, fali te to.

Nin ko in kelen don ka baganmarala caman timinangoya anw ka dugu kɔnɔ Nantilebugu. Wərətigiw dusukasilen don kosebe bi. Nsonw be t'u ta wərew sɔgo su ni tile ka baganw labo o wow fe. Nka min ka jugu n'a təbəe ye, nsonw mana minə ka t'u di faamaw ma, tile fila dɔrɔn i b'u ye yaala-yaala la nbəeda kan. A b'i n'a fo fangatigilamɔgɔw mago te ninko inna. Hali u'ta ninik'a jenabø.

Ne hakili la, sariya ka kan ka boli kojugukelaw bəe kan, bawo an bəe dama ka kan sariya la. Nka, kɔlosili la, sariyatigelaw mana surɔfən minə k'a ban nson na, o ka kiiri te se ka tige tugun.

An ka jamana danbe donna bɔgo la; n'o te folo ni mogo min tun minəna sojeli la, o tigi tun be dugu bila, ka tunun pewu. Nka bi, sojeli ker'a dama baara nafama ye. Nsonw yere be dɔw bɔne u ni na u halala nafolo nɔfə. Ni sariyako ye tinc ye, ne b'a nini sariyatigiw fe, u k'u ka baara ke, u kana nata mogɔsi bolowari nɔfə.

Hamadi Aturuboli Jabiloruzi  
Nantilebugu - Kita

## Ka bɔ Doribuguni

Ne nisondiyalen be nin bataki ci Kibaru ni Arajo-Mali jeməgɔw ma, k'u ladonniya ko sojeli be ka juguya ka t'a fe anw ka dugu kɔnɔ.

Mɔgɔ dɔw be k'u kunkolo meleke ni fini finman do ye, k'u jəda dogo, ka t'an ka bagangennaw baga-baga kungo kɔnɔ. N'olubolila, ubəbagaw gen ka tunun n'u ye. A nson dɔw bəna an ka sagaw ni faliw ni sow sirilen foni fo an ka duw kɔnɔ, ka taa n'u ye.

Anwsominen don waye dɔwla, minnu ka sogo te feere sugu la fo sojuw la.

Gonba TARAWELE  
Doribuguni - Kolokani

## Aw ni ce !

Ne ko : aw ni ce ! Aw ni baara ! Sənekəlaw aw ni səgen, aw ni muju ! Aw ni soli ka wuli ! Aw ni tile kɔrɔ baara ! Aw ni ce ! Aw ni daamu aw ka cəsiri la balo jinini fe !

Ne ko : Aw ni ce baganmaralaw ! Aw ni muju ! Aw ni sabali ! Sabu baganw marali te gansan ye. Aw ni ce ! Nəno jinibagaw, feəne bobagaw !

Ne ko : Aw ni ce kungo kɔlɔsibagaw ! Aw ni cəsiri jiriw lakanabagaw ! Aw ni muju kungo sogow lakanabagaw !

Aw ni ce ! Aw ka tile ani su baaraw la !

Ne ko : Aw ni ce karaməgɔw ! Dibi farabagaw, kunfinya kelebagaw ! Aw ni ce, dənniya jənsənbagaw ! Aw ni baara, dənniya jinibagaw !

Aw ni ce, sənekəlaw dəməbagaw ! Baganmaralaw ka sɔrɔ jiidibagaw ! Ne ko : Aw ni ce, kənəya sabatibagaw ! Aw ni baara su ani tile !

Aw ni sabali banabagatow naanibagaw ! Aw ni muju kənəya jiidibagaw ! Aw ni cəsiri banaw keleli la !


Ne ko : Aw bəe ni ce !

Sabu hadamadenya te ne n'aw te.

Isa Jara  
Ngolobugu (Saabugu) Kolokani

## Denw be ka halaki dijə kɔnɔ

Nowanburukalotile 20, san 1989, Dijə tonba (ONU) bolofara min jəsinnen don denw ka jətaa ma, o ye sariyaw sigi, walasa ka denmisənw ka jənəmaya sabati fan bəe. Nka, halibi an be k'a kɔlosi ko denw lajabalen don yɔrɔ caman nak'a sababu ke ladon baliya ye; ani faantanya ni sariya labatobaliya. Nin ye den tɔnɔlen do ka kumakan ye : « Nes an 6, ne bamusoye ne feere sabu



Amidu Kulubali

den were b'a bolo a ka kan ka minnu balo : Ne san 11, a ko ne ka baara ke walasa ka denbaya dəmə. Ola, a ye ne ni cew ne jira nɔgon na...» Nin den in ka seereya b'a jira ko dəsə, faantanya de kera sababu ye k'ale ka hadamadenya halaki.

A jirala "UNICEF" fe ko dijə kɔnɔ, den caman bilalen don jənəya sira kan, dəw be diyagoya baaraw ke. O hukumu kɔnɔ, Filipini jamana kɔnɔ, den 20.000 (minnu ye san 7 ani san 15) be balojənəya sira kan, Tayiwani den 100.000 be sungurunbaya ke, walasa ku k'a denbaya balo; Indu jamana den 400.000; Berezili den 500.000; Tayilandı jámana den 800.000.

"UNICEF" ka kɔlɔsili la, den miliyon 14 (minnu te san 5 bɔ) be halaki san o san k'a sababu ke baloko ye, ani banajuguw ani kelew ani ladonkojuguya, u be baara gelenw ke. "BIT" o ye cakəda ye min jəsinnen don baara cogoya ma, o y'a jira ko den miliyon 200 (minnu te temen san 5 kan) olu de be baara ke dijə kɔnɔ.

"OMS" (ale jəsinnen be kənəyako ma) o y'a jira ko den miliyon 100 ni kɔ de fililen be nbədaw kɔnɔ jamana na. O den ninnu laban ye dɔroguta ye, alikɔlimin walima sungurunbaya. Nbədala denw ka ca kosebe Ameriki worodugujamanawla; ubəse miliyon 40 ma; Azi jamanaw ta yemiliyon 25 ni kɔ ye. Farafinna jamanaw ta ye miliyon 10 nɔgon ye. Nbədaladenw be balo jənamuñanamu ani julajuguya siraw de kan. U be kə nsonw ani dɔrogutalaw de ye, minnu laban be yeləma ka ke jamanaw juguwy. Farafinna, nbədaladenw ka caya sababu ye faantanya ye; ani baloko gelya ani kelew jamanaw ni nɔgon ce, walima jamana kɔnɔ. "UNICEF" y'a jira ko kelew kera sababu ye ka denmisən miliyon 1,5 faga dijə kɔnɔ, ka den miliyon 4 bana, k'u ke lujuratow ye; ka den miliyon 12 bila nbədaw kɔnɔ. Ninnu yekɔlosiliye minnu be balikuw miiri janya denw ka cogoya kan dijə kɔnɔ. Otuma, ank'an janto denw na barisa olu de bəna ke sini balikuw ye.

Amidu Kulubali Karaməgɔ Bamako

## Hadamaden mago si te nənabō Kameruni jamana kōnō ni surōfēn ma bō

Surofēnboliko donna Kameruni jamana kōnōmogow mago suguya bē nənabolikola, doncogo jugu dōla, min y'a ke bēe taalan ye, fo k'a laban ke laadalako ye. A bobaga n'a minēbaga bē nōgon faamuya, hali kuma caman t'a la. A bē bo kun bēe la. A bē bo yōrō bēe la. Dogoya ni caya te wariko la, suguya te magonefēnko wēre la, sanko fēn do ka di, walasa ka don latēmen, wali ka kalosara dafa. Okalosara mintun te labeli ke ka kōrō, Kameruni fangaso y'otige f'a tilance la, ko gelyea donna forobakow nənaboli la, kabini sefawari jaasira san 1994 la. O kalosara dogoyalikojugun'a dēseliko jugu ka forobabaarakelaw labo, o de ye surōfēnko bō dogo la, k'a da kōne kan, ka tanga, gasi, baasi, maloya, manuma, yēredon, siran, ani fasodenjuguya bēe b'a la. Kamerunikaw bēe benn'a kan, ko surōfēnbo ni surōfēnmine te fasodenjuguyako ye, ko nōgon bolcmademeko don, k'o sababu ke gelyea bonyalikojuguye. Ode kōson, a bē fo yōrō bēe la, ko ni negoya ye sariya min sigi, gelyea de b'o sariya wuli. Nin bēe fokun ye k'a jira, k'a te se ka dabilia, ko dabilacogo t'a la, ka d'a kan, jamana nēmogo dōw,

baarada kuntigiba dōw ani baarakela camanb'ake, foroba kunda, kenyereye kunda, ani jekulu kunda. Ni kuntigiba min y'a ke, n'o kōrōdōnna, o te nomine, o te nangi. Fēn min bē k'o kuntigiba la, o y'a lawulili de ye, ka b'a ka baarada kuntigiya la, ka t'a bila baarada wēre kuntigiya la. O b'a jira ko faamaw yēre te bō nōgon kōkōrō. O temennen ko, ni baarakelaw y'u ka kuntigiw ye surōfēnmine, wali forobawaridunna, u b'u nēmada olu ma, k'u ladege. A bē f'o de ma ko «kami b'a nēmogo ton de laje». Nka, n'olu kōrōdonna, olu de bē minē, k'u don kaso la. Olu ye jegemisenniye. Faamalamogo minnu ye jēgebaw ni bamabaw ye, fosi te k'olu la. Bēe b'o kalama Kameruni jamana kōnō, an'a kōkan, ka masor'a bē nēfō Arajo ni Telewison ani kunnafonisebenw kōnō. Hali kunnafonilasela minnu bē surōfēnko ni foroba waridunko ani sojeliko n'u nōgonna jamana kunmasuulikow juguyacogo fojamana kanafasorodaw ma, oluyeret'uka baara k'a kēcogola, ni surōfēn ma bo. U bē surōfēn mine mogo minnu na, o ye politikimogow ni kenyereye ye, n'o ye izinitigiw, jagokelaw, bololabaaarakelaw, ani seko ni donko tigilamogow ye, fo ka se porozew ni yiriwalli jekuluw ma. N'o

mogo minnu ka fēnditaw cayara ni minnu taw ye, olu ka kunnafoniw fōcogo n'u jiracogo fana bē nē ni nōgon ye, Arajo ni Telewison na ani kunnafonisebenw kōnō. Forobabaarakelada fosi te Kameruni jamana kōnō ni baara bē ke ka nē yōrōminna ni surōfēn ma bo. Ni mogo mink'ale te surōfēn bo, o tigi mago bē fēre sali de ma, nka, cogo si la, a te se ka fosi bō surōfēnko la. N'a taar'a kuma fo yōrō o yōrō, mogo de bē soro, min b'a jalaki, k'a bē k'a yē sēgen gansan, nka, mogo te soro, min b'a dēme, wali k'a f'a ye k'a b'a josiran. O b'a jira ko mogo te surōfēnko kēlē, mogo te mogo labila a kelebagaya. Seriwsida minnu baarakelaw yamaruyalen bē ka surōfēnmineaw ni forobawaridunnaw aani surōfēndilaw bēe minē, k'u nangi, fo ka se kasoladon ma, n'o ye fanga tigilamogow ni sariya tigilamogow ye, oluyeret'ebalandon mogow magow nēnaboli la, ni surōfēn ma bo. O b'i n'a fo polisiw, sandaramuw, duwaniyew, awokaw anikiirtigelaw. O temennen ko, surōfēn bē bo dogotorosc la. A b'o cogo la dugukeloko, posite waritako, kuranko, orobineko, telefoniko, lakoildenw ka kalanko n'u ka nōgondanko, ani baaraninaw ka nōgondanko. Kumafasurunya la, surōfēnko donna Kameruni jamana kēnomogow ni seriwsidaw baarakelaw cekow bēe la. Fangaso y'a sen don, k'a bolo don, o ma foyi b'a la. Walasa jamana togo kana tijé ka t'a fe, fangaso ko k'a kuma kana fo tugun Arajo ni Telewison, ani kunnafonisebenw kōnō, ka soro k'a d'a kan, ko ni mogo min y'o ke, o tigi bē nangi. A ko b'o bolo de kan sisan.

"Marie Agnès Leplaideur"  
ni Amadu GANI Kante

### KULUBALI

Le site officiel de l'association des amis de Kameruni. Visitez le site [www.kameruni.com](http://www.kameruni.com).

Amélioration minima, dugubakone mogow bētaa nifiniw nisabarawye k'elaw jirudon cikelaw la, ko ni fobonda sera u b'a sara.

Dow ba taa ni wariye, a bē fo min ma jolawani. U bē no bōrō kelen songo ke doromé 500 ye. Sēnkela mana fini minnu ca jiru la wali ka wari min ta no kama, ni samiye ma sabati o tigi bolo, o ye daga wullien ye, k'a soro sonkalan ma ye». O kēle te dan soda la, a maloya te dōonin ye.

Wena KULUBALI Balikukaijan karamogo Jekuma - Nossenbugu

## Géleya bë denwolomuso joginnenw furakéliko la Nizeri jamana kono

Kéneya tigilamögow ye jateminé kë, ka n'a ye ko muso minnu bë jogin denwolo la, wali jiginni senfe, o ka ca kojugu Nizeri jamana kono. U y'a sababu kë jiginnisokontanya ye ani muso kònómaw tugubaliya, kénéyasow la. Jiginniso man ca jamana kono. A bë yoro minnu na, olu ka jan dugu caman na. O bë na ni taamasirako ni bolifenko géleya ye, ka fara musokònómaw kolosilikow faamuyalibaliya kan. Nin bëe de koso, muso caman bë jigin so kono, u yere ma, wali musokorobaw bolo. Ni jiginni ma k'a keyoro lakika la, wali n'a ma kë tinminémuso yamaruyalenw bolo, tijeniy bë se ka b'a la. A do ye densaya ye. Ni den ma bo joona, a bë sègen kojugu. O laban ye saya ye. A do ye muso joginni ye. Ni den boligéleyara, k'osababuk'a nacogo, wali a bonyaliko jugu ye, a bœyoro, n'o ye «musoya» ye, o bë fara, ka bila negenébara, wali bokeyoro la. Dòw ta bë fara, ka bila nin fila bëe la nögonfe. Ni denwolomuso joginna nin cogo la, a te se k'a negené miné tugun. N'a wulila k'i jo, negené bë jigin, a yere ma, a senkala fila bëe fe. A yere se t'o la. A muso joginnen minnu t'u ka banako f'a ne kan, k'o sababu kë maloya ye, o de ka ca. Olu de b'a kë bana dogolen ye, k'a fo ko kònódimi de tugulen b'u la, kabini u jiginna. Denmisennamögó minnu b'o kònódimiko koro dòn, o man ca. Mégokorobalamögow ni furakélikaw de b'a sidon. O bë soro a tigilamögó kasa de fe. Furakéliko



siratige la, olu dan ye joli furakeli de ye, k'a kénéya, fo ka dimi ban. Utse se ka «musoya» faralen kala nögon na. Olu yere t'a dòn k'o de y'a bana jubaju ye. N'o ma kala, negené jiginni, a yere ma, o te kötige. O negené kasa bë goya, ka masoro bosuma b'a la. N'a ma kala, tuma bëe, a da niginnen don ni negené ye, k'o fara laada kan, n'o waati sera. O de kama, yoro dòw la, a bana bë wele ko «danigin». O koro bë kene kan. Don o don, san kalo 12 kono, a tigilamögómusoya da niginnen don. Muso bë finiko la, ale bë finiko la, muso te finiko la, ale b'a la. O te dabila fo n'a musoya kalala.

Farafinfurakélikaw te se k'o kë. O n'a taa bëe n'a ye joginnida furake, fo ka dimi ban, muso bë ceko kë, fo ka ne. A te fosi tijé ale ni ce ye.

Nka, ji kasagoman doron de bë b'a la. O de bë k'a caman yoroyanyakun ye

cëw la. A bë ceko negebo minnu na, o de ka ca. Olu bë yere miné koro dòn, u b'a fisaya ni yerelamalo ye. U b'a dòn k'u kasa bë bo, min bë cëw degun kosebe. O y'o muso masinaw mangoyakun ye cëw yoro. O mangoya b'u kan furuso la, a b'u kan faso la, a b'u kan kénemala la. Hali ni muso cekani i k'o jiné, ni daniginbana b'a la, a doolo bë bin, a ka ko be ban. A bë kë bolonkónin taamaseere ye. O y'a ta tijelen ye. Kumalasurunya la, a bana bë dakabanamuso ke fenumannin céri ye, min dònbagà cemanw bë fen bëe k'a fe, fo kafoñogonya. Yerefaga bë jigin dòw kono. Dòw bë sigiyoro bila, ka t'u kunfe. Nizeri jamana kono, a muso banabagato minnu y'a men ko n'u ma wopere, ut'uyere soro, olucaman y'u kunda Name dögotorcsoba kan. Nka, géleya caman b'o la, bawo dögotorcsoro min b'u wopere, o fana ye kelen doron de ye. So kelen min labilalen b'u ye, mögo 17 doron de dayoyò b'o kono. U bëe siyoro n'u tilenyoro ye jirikorolaw de ye. U b'u ka tobili k'u yere ye. Dòw bë kalo 4 kë, ka soro se ma k'u ma. Dögökun kono, muso 3, wali 4 doron de bë se ka wopere. O b'i n'a fo muso 1000, wali 1500 san kono. Jama caya koso, o te fosi ye.

Ibo Daddy Abdoulaye  
ani Amadu GANI Kante.

## «Kodiwari nana laada latilen.»



San 1998, okutoburukalo tile 4, Mali samatasegewni Kodiwari Samawy'u kogo da njogon na, san 2000 «KUPUDAFRIKI» kadara kono, min bena tan Zinbawe jamana kan. Aka ca san 30 ye, Malintolatannanw ma se Kodiwari taw la. Kodiwarikaw y'o laada min sigi Mali kan, o ma wuli okutoburukalo tile 4.

Farikiloenajeyoro min togodalen don Modibo KEYITA la, o fara i ko dakonjiniw, don kereneren in na. Samatasegew surunnadonbaga 40.000 njogon de kamalila njogon kan, Bamako ntolatankeneba kono. Nin don, mogosi tun te se ka d'a la ko Mali te nesoro Kodiwari kan, bawo laben kera sira bee kan. Nka Kodiwari ma laada wuli, bawo samatasegew ye sanga 87 min k'u disi kan, samawy'o bee ke fu ye ni Mali ka jo yaarali ye Ibarahima KONE fe.

Mali samatasegew degebaga, n'o ye faransika Kirisiciyan SARAMA'Aye, o y'a seko n'a dongo bee jira funankeninw na, nka u ma wo ye.

N'an y'a laje ji nemajolen na, Mali ta yedanga de ye walima kunnagoya, a mana ke cogo o cogo, nin ye dakanjugu y'an bolo.

Okutoburukalo tile 4, karidon, Mali samatasegew josira Kodiwari samaw fe, i n'a fo san 1997 kunben cogoya la. N'an ye kow sanga njogon ma, an b'a ye ko salon ntolaci se sorozi Kodiwari fe Mali kan, o ma bali balon donbagaw la, barisa NUZARE ka

denmisew tun ka ni ni samatasegew ye. Mali ekipu tun ye tugutugubaribari ye. N'an y'an hakilijagabo, ka se Tinizi «KUPUDAFIRIKI» ma, san 1994, Mali samatasegew yenaasi naasi ke fo ka ye Afiriki nana 4 cema. O don, dusukolojoyorobonyara ni dongo ni seko ye.

SARAMA'A ka funankeninw ta ye ne dan ye, an be don min na i ko bi. O misali y'u caman sigili ye faraje jamanaw kono, minnu lakodonnen don kosebe ntolatan na. O temennen ko, u y'a bilen Kodiwari samawda la fo Alen GUWAMENE n'a tonnjogonw y'u yere nini. Nka mellekeninw tun sigilen te ni min ye, n'u tun man kan n'a ye fana, o de ker'u la, balontan sanga 87 nan. Dusukasi bi kelen min donna an ka jo la Ibarahima KONE fe waati kofolen in na, maliden be meen k'a soro u ma ninje a ko. Jatemine na, an be se k'a fo ko anw ni Kodiwari ka cebu in kera alalatige ye. Taalen nefe, Kodiwari ye se min soro Mali kan, fen don, min be Zinbawe san 2000 KUPUDAFIRIKI sira geley'an bolo kosebe, bawo samatasegew wajibiyalen don k'u ka kunben 5 nataw bee nesoro. Ni Malib'a fe ka ye Arare ntolatankenew kan san 2000 fo samatasegew ka soli-ka-wuli. An hakili la, donna ni seko min be Mali funankeninw na, n'u dusukun laminna o sira kan, u tene bo an jigi koro. Mali samatasegew ni jamana minnu be gurupu kelen na, san 2000 «KUPUDAFIRIKI» hukumu kono, o ntola tanko folo diyara Kodiwari ni Kongo la, bawo olu ye Mali ni Namibi walon. O ntola kelen komasegin bena ke san 1999 zanwiyekalo tile 22 ni 24 ce. Mali ka gurupu la, Gana jamana taara Kameruni waraba marabaliw mine, k'u sebekoro dasi bi 3 ni bi 1. Malini Kodiwari be cogo minna, Gana fana ka namugurosgo ye Kameruni ye. O n'a taa bee, tegefa be siye in ta

kan. Samatasegew cili ma diya mogosi ye, hali Malijuguw. Usurunnadonna dow dusukasilen ye jimaninanifil'u ma ntolatankene kan. O ma taa lakananibagaw jimsira fe, fu ka «mara» wulila. O yoro la, polisiw ni sandarama minnu tun be farikiloenajeyoro la, olu y'an ka tulon tije ni nejibz gaziw ye, u ye minnu fili jama kan. Mali ni Kodiwari ka kunben ker'an bolo dusukasi fila ye.

San 1998, okutoburukalo tile 11, Mali samatasegew mankanw y'an neji ce, k'an dusu saalo. Don kofolen in na, samatasegew mankanw n'u filankeninw bena ka bo Libijamana kan. O kuwaba fana kera an ka jamana faaba Bamako farikiloenajeyoro la, min togodalen don Modibo KEYITA la.

Ntolatan kufolo la, n'o kuntaala ye sanga 45 ye, Mali samatasegew mankanw y'u sigi Libi jo da la, k'a bilen u ko, fo libikaw ye balon to yen, k'a ke mogojini ye. A kolosira ko kabini o waati, balon jaratigebaga, n'o ye Liberiya «aribitiri» Idirisa KABA ye, o tun ka kan ka Libi funankenin mogo dogoman senbo tulon na, bawo u tun te foyi la banani ko. «Arabitiri» Idirisa KABA ye deme sugu bee k'u ye. Nka n'i ni mogo min te filan ye, i be Ala mine.

Ni denmisew ka sengoya te, sanko Teneman NJAYI ni Mamadu JARA, u tun be libikaw ka jo ke nintin ye. O n'a taa bee, Malika siri fonina sanga 41 nan ni Mohamadu DISA ka bi folo ye, a ye Libikaw ka jo yaara ni min ye. Sanga 60 nan ni 87 nan, Teneman NJAYI y'an lajine pewua koro ni Kodiwari ka kuwaba dusukasi ko ni bi 2 sorozi ye Libi jo kono. Tije don Mali samatasegew mankanw ye Libikaw gosi, 3 ni O. O ye fen ye, min be se k'an hakili sigi. Nka an b'a nini funankeninw fe u k'a to u hakili la ko «danyerela kojugu nan ni».

Basiriki TURE

## San 2002 «KUPUDAFIRIKI» be se ka tan dugu minnu kono

Mali san 2002 «KUPUDAFIRIKI» kōnēnabō jekulu «COCAN» sekeretéri zenerali k'a be jama ladōnniya Mali duguw ka sēbenw sōrōli la, dugu minnu b'a fe «KUPUDAFIRIKI» ntolatan dōw ka k'u bara. A y'a jira ko dugu minnu be sugandili nōgōndan na, k'olu bēe y'u ka sēbenw bila ka na «COCAN» na ka bēn ni sarati kofolen ye, n'o ye san 1998, okutoburukalo tile 20 ye.

Sēbenw nana cogo min na nōgōl kō, o file :

- 1 - Tumutu - san 1998, okutoburukalo tile 16
- 2 - Kayi - san 1998, okutoburukalo tile 16
- 3 - Moti - san 1998, okutoburukalo tile 18
- 4 - Gawo - san 1998, okutoburukalo tile 19
- 5 - Segu - san 1998, okutoburukalo tile 20
- 6 - Kulukoro - san 1998, okutoburukalo tile 20
- 7 - Sikaso - san 1998, okutoburukalo tile 20
- 8 - Bamako - san 1998, okutoburukalo tile 20

Kidali gofērenneri ye leteré do ci «COCAN» kuntigi Ibarahima MAKANGILE ma, san 1998, okutoburukalo tile 5, k'olu ka dugu sen t'a la, k'o sababu ke yōrontanya ye, «KUPUDAFIRIKI» labenw be se ka ke minnu kono.

Hakililajigin kadara kono, san 2002 «KUPUDAFIRIKI» labenni kalifara Mali la, «CAF» fe, n'o ye Afiriki ntolatanna nanaw ka kōnēnabō jekulu ye. Kalafili min kera Wagadugu, n'o ye Burukina faso faaba ye, san 1998, fewuruyekalo tile 28, an ka jamana sugandira o de senfe ka farafinna tulonba in laben.

Afiriki balontankow nēnabō jekulu «CAF» ye baaraba min don Mali bolo, o dōr kelen tun ye jekulu kērenkērennen sigili ye senkan, min mōgōw b'u bolo bō baaera tōw bēe la, k'u u'isn' u'isn' KUPUDAFIRIKI dōrōn labenni baaraw ma.

Mali peresidan Alifa Umaru KONARE ye san 2002 «KUPUDAFIRIKI» jekulu kērenkērennen kuntigi sugandi san 1998, zuwenkalo tile 6, jekulu min ka kan ka Afiriki tulonba in musakaw n'a baara gelenw bēe dantigé. Peresidan

Alifa ka sugandili bōra Sori Ibarahima MAKANGILE kan, k'a ke Mali ka san 2002 «COCAN» jekulu cōmōlōgō ye.

Mali san 2002 «KUPUDAFIRIKI» kōnēnabō jekulu «COCAN» kuntigi Ibarahima MAKANGILE fana y'a masurunya baarakēnōgōw sugandi, san 1998, utikalo tile 22.

Utikalo tile 22 de be se ka jate «COCAN» ka baaraw daminēdon fōlō ye. O baara kologelēnw tiimeli kadara kono, nōgōndan dō labenna Mali duguw ni nōgōl ce, wajibya fēn dōw sōrōli la u bara, minnu be se k'u kelen-kelen bēe yamaruya san 2002, «KUPUDAFIRIKI» ntolatan dōw ka k'u ka duguw kono.

O siratige la, nōnkalisebēn do cira Mali maraw faabaw bēe la, min sinsinbere ye fērē dabalilenw ye an ka dugu kelen-kelen bēe kono, walasa «CAN» kūnēnabō be se ka k'u kono cogominna. «COCAN» ka nōnkalisebēn do cira Mali maraw faabaw bēe la, min sinsinbere ye fērē dabalilenw ye an ka dugu kelen-kelen bēe kono, walasa «CAN» kūnēnabō be se ka k'u kono cogominna. «COCAN»

- Sebenw doncogo «COCAN» na :  

«COCAN» ye donw ni waati minnu dansigi, dugu kelen-kelen bēe ka kan k'i kanbō «KUPUDAFIRIKI» kōnēnabō jekulu in ma, a dagayōrō Bamako, ka bēn n'a ka

sarati kofolen ye.

### - Donsében fēsē-fēsēli :

«COCAN» fangaso fōlō de b'a ka jatemine ke dugu sugandili kan. A b'a hakilijagabo nōnkalisebēn kōnōkō kan, n'o y'a sōrō o faamuyara a cogo la. O temennēn kō, a mago be kunnafoñi fēn o fēn na, n'o be se k'a dēme a ka baara la, a be se k'o nōnkalisebēn ke dugu suganditaw bēe la.

### - «COCAN» ka jatemine jekulu :

O kuntigiya be «COCAN» cōmōlōgō bolo. Ale de fana b'o jekulu wōcōmōw sugandi. Jatemine jekulu de be dugu wōcōmōw lajelen donniseben fēsē-fēsē ka bēn n'a ka cōmōlōgō ka sarati bolodalen kuntaala ye.

### - Duguw sugandili :

«COCAN» de b'i kandi dugu sugandilenw kan.

Nka sugandili jaabiw be di waati fila de kono.

### - Sugandili sēbenw :

Sanga 15 de be di dugu kelen-kelen bēe ma, u k'u seko damajira fō jama ye «COCAN» ka nōgōndanw labencogow kan u ka duguw kono. Okadara kono, jaw ni filimu sugu o sugu mana diy'u ye, u b'o jira jama la, nka wajibya min b'u kan

## TULON

Nin desen fila dilanbagā y'a dab'a kama, ka fili 10 k'u la. A' y'olu nini.



- 1 - Bulu min be bolō kōnd. 2 - Ja min be bolō kān nūmānté. 3 - Simisi (duoloki) jukorjala. 4 - Ce dafurukū kīnīf. 5 - Negē min be bēre sanfē. 6 - Bolokan min be kīnīf. 7 - Beere (fugula) min be kīnīf. 8 - Cemanniñ kūnkōlo. 9 - Jēgen dō be kamankun kān. 10 - Cemanniñ jēda.

jaabi

o la, o ye ka «COCAN» ladonniya o walew la, tile 10, sanni u tiimeli ce. Dugu bee be mine i ka fotaw ma o la.

**- Dugu latomonenw**

Duguw bee man'u yere jira, k'a ban, «COCAN» be weleda ke dugu latomonenw kan. Bilakasuma t'a la, o yoroonin bee «COCAN» n'o dugu masinaw ka ciden yamaruyalenw b'u bolonobila benkansaben na, min be dugu ninnu yamaruya nogondanw labenni na ubara. Yelema be se ka don latomocogo in na, nk'a mana ke cogo o cogo dugu latomonenw bee beladonniya a waati la.

**- Maraw n'u kono dugu cogoyaw :**

- . Ka dugu taariki ke hadamadenya ni seko ni donko ni farikolojenajeko hukumu kono.
- . Dugu fangaso ni dugudenw ka bolomademe ka nesin «KUPUDAFIRIKI» baaraw ma, dugu kono.
- . Dugu nafasrosira kologirinw.
- . Dugu nafoloko nafolisan 5 temennenw kono.
- . Mara ni dugu mogow hake fere kunda.
- . «KUPUDAFIRIKI» («CAN») labenni be na ni fen minnu ye dugu kono ?

**Waati ni dugukolo ni dugu cogoyaw :**

- . Dugu sigiyoro jirali ni jaw ye ani dugukolo ni dugu yere cogoyaw, i'n'a fo : kenyea sabatili walew ni sigiyoro lakanani ni seko ni donko yoro minnu b'a kono.
- . Ni dugu be falaw kono, kuluw ni nogon ce walima n'a be kulu kan, o jate ka kan ka di metere jate la.
- . Balontankenew fana sigicogo ka kan ka di, n'a be dingue kono wali kulu sanfe.
- . Duguwaaticogoya n'a yelema-yelema.
- Lakanani :**
- . Ka dugu lakanani feere bolodalenw jira, ntolatankenew kan ani lotoliw ni dunanjiginswo werew la.
- . Finitigi hake min ka kan ka lakanani ke, i'n'a fo : polisiw ni santaramaw ni garadiw.
- . Donniya ni faamuya koro min b'aw ka dugu la lakanani sira kan jamalajebaw ni tulonbaw senfe.
- Kenyea sabatili
- . Ka kenyea sabatili walew bee tereme, minnu kera dugu kono san 5 temennenw kono.

. Ka do fo dugu bana gelon yelemataw kan o waati kuntaala kelen kono.

. Furakeyoro hake dugu kono an'u suguyaw.

. Dogotorosow liw hake.

. Baarakela faamuyalenw.

. Dugu besyea wale fere sirilen.

**- Nogondanyoro n'u minenw :**

. Dugu balontankenew hake

. Balontan degekenew hake :

. Dugu negejurukow

. Awiyonjiginkene.

Awka kankan kelen-kelen bee kunkun n'u nennen tomo.

Okerefe, ka dugu ka bolomafara dantige, i'n'a fo : wariko ni baarakeminenko ni baarakelako siratige la, nogondanyoro n'u minenw labenni kadara kono.

. Afiriki ntolatankow nenabojekulu «CAF» y'a wajibya dugu latomonenw kelen-kelen bee kan, u ka :

- Ntolatankene jo, filelikela 20.000 fo ka se 40.000 nogonna ma, o be kun min kono.

- Ka degelikene binma fila laben ani ka finiyelmayoro ni finidulonyoro ni suturayoro werew k'u la.

- Ka pankurunkene laben dugu latomonenw kono, minnu ni faaba ce ye kilo 200 ni koye. Opankurunkene ka kan ka se ka dinc pankurunw bee kunben.

- Ka negejurusira kuraw laben dugu kono.

**Nafoloko :**

. Ka yoro labennenw bee nafoloko jatmine dugu kono.

. Balontankenew ni degelikene koro minnu labenna, olu nafolo kasabi ka kan ka dantige.

. Awiyonjiginyoro kura fana nafolo hake ka kan ka jira.

. Negejurusiraw dilanna ni wari kasabi min ye, o ka kan ka dantige.

. Lotoliw ni dunanjiginswo werew, korelenw fara kuraw kan, olu labenna ni nafolo kasabi min ye, o ka kan ka fo.

. Dugu yere ye nafolo hake min dantige KUPUDAFIRIKI labenni kama, o ka kan ka fo, ka mara ka bolomademe far'o kan.

. Biye hake min be se ka san ntolatan kuben kelen o kelen senfe dugu kono, o jate ka kan ka fo.

. Biye songo ka kan ka fo.

Fere minnu be dugu bolo yoro kerenkerennen do labenni na k'a ke dunaw bisimilayoro ye.

**Sisoko :**

. Siso suguya minnu be dugu kono an'u hake, i'n'a fo lotoliw ni siso werew.

. Dugu ka kan k'a fo ni dunanjiginswo be se ka mogoba 120 ni dunanwelel 60 ni kunnafonidila 200 ni mogo yeleke werew bisimila.

. Dugu ka kan ka kunbenyoro ni seliyoro ni sugufiyew ni yoroba werew kofo minnu be yen k'a ban ani dugu b'a fe ka minnu jo, «CAN» kadara kono.

. Dumunikeyoro fana jate ka kan ka mine.

**Seko ni donko ni duguyaala.. :**

. Ka dugu seko ni donko kenew kofo an'u hake.

. Sanni nogondaw ce an'u waatila, dugu ka fere sirilen ye mun ye seko ni donko sira kan ?

. Nafolo kasabi jumen labilal'o kama. Dugu niyoro ye joli y'o la ?

. Yaalaliyoro minnu be mara kono, an'olu ni dugu yere ce kilo hake bee ka kan ka pereperelatige. Doonin ka kan ka fo o yoro kerenkerennen yiriwali kan.

- Mara kono, gofereneri ni depite kelen ni meri ka kan k'u kandi :

. «CAN» 2002 nogonkunbenw labenni naniya kan u ka dugu kono.

. Tulonw labenniko numan kan dugu kono.

O temennen ko, gofereneri ni depitew ni dugu jekulu kerenkerennen ka kan ka benkansaben do laben, k'u ka ninitaw n'u felaw n'u naniyaw jir'o kono.

**Basiriki TURE.**

